

松溪縣志

志敘

昔歐冶子鑄劍薛燭相之舉
豪曹巨闕純鈎湛盧之屬皆
能視其鋌辨其文而知其賈
之所直洵乎作者難而識者

匪易也余於松溪邑志而識
作者之用心矣松故中邑舊
乘殘叢潘子以史才宿學來
尹茲土慨然起而脩之書成
問敘於余余讀終卷輒然曰

偉哉是編有二美焉夫山經
地志誇多鬪異或饒鯀富夥
夠之盛或蒐丹砂水碧之竒
易世而後害中厥鄉是以杜
若之采竟下房州龍團之貢

賢者不免潘子曰吾惟載其
地之所常有而不侈其地之
所不常有則其庇松民者豈
僅一二世已哉此志之善者
一矣當今

聖天子澤徧遐陬越裳肅慎重
譯來朝正海不揚波時也然
寇賊姦宄虞廷是飭伏戎于
莽叢爻垂象况松實阨隘環
瀛阻嶺站鳶挂獠扼抗拊背

懸車束馬無事則舟車來往
有事則襟帶咽喉潘子曰無
謂一邑之烽煙無關於東南
之民命也故歷載秦漢兵氛
以趾於今俾後之任茲邑者



咸凜然知形勢所在而不敢
不悉心於保障則其庇松民
者又豈僅一二世已哉此志
之善者又一矣夫平居不以
食貨貽憂而擾攘復知所備

禦松邑之民其久安乎民安
然後俗阜俗阜然後政行政
行然後化美化美然後吏職
盡而皆於斯編深寄意焉潘
子之才其僅足宰此邑也乎

昔者子游宰武城夫子以牛
刀為喻余雖未及傾耳絃歌
然望斗牛而知寶劍之精上
燭於天也况湛盧之峯近在
邑中潘子鳴琴而治余知其

志在山水間矣至蒐討之勤
闕疑之慎潘子自能言之也
賜進士第奉政大夫提督福建
通省學政按察使司僉事戶
部浙江清吏司郎中刑部四

川清吏司員外郎湖廣清吏
司主事丁丑科會試同考試
官前四川江津縣知縣庚午
科鄉試同考試官咸平司百
職撰



松溪縣志序

巖疆僻遠轍跡未經一旦使
數十里之民物山川數百年
之廢興因革瞭然在目者志
之爲也志爲史屬周官有外

史掌邦國之志職方氏察天
下之利而類其物宜是爲志
昉列國春秋之際編年紀事
國有專書相沿無軼迨後郡
縣旣析祖史爲志上而一統

次而分省又次而千乘之都
百家之邑莫不有志是環一
時之宇內而計之恒不啻有
幾伯什史也郁郁乎盛哉顧
其間或方隅肇建紀載經營

實煩創始繼而起者類皆踵
事增華因雕成飾等諸堊土
塗丹而已然而始基率略貽
後來羞補葺荒涼爲前人累
咎各有肩相形益出又寧得

謂纂修之責獨可漫然從事
而易之茲建寧當閩省上游
松溪隸建爲中邑環山設治
地僅曹滕無所謂瑰景大觀
傳聞海內亦鮮有竒珍異產

利用人間第彈丸僻壤猶然
鄉遂之遺繞郊亘野者居接
畱耕連井出入守望噢咻作
育斯民之生聚長吏之教養
胥於是乎在况

聖朝弘擴九有禹甸之外蛟人
魚服咸歸聲教競就彬彬矧
此松源故地近隣吳越秀毓
溪山人傑誕生名賢過化忠
定劍堂紫陽吟室遺踪故址

猶有存焉熙熙之衆遭際休
明鼓歌耕鑿安樂有年其戶
口田疇之自耗而登文物衣
冠之轉衰而盛與德業聲施
之足以繼往開來者何人功

名政治之可以信今傳後者
何事按籍披圖使人俯仰低
徊而自遇者一一焉皆志乎
是賴乃余秉節劍南自下車
之始取閱郡邑乘志惟松溪

止抄本二帙且舛謬殘缺僅
存影響維時實爲塵念祇以
自愧不文蓄焉有待不期爾
後之來令此方者爲潘岳後
身留心典故愨然於舊志之

弗完輒以櫛植餘閒潛搜博
採重加編輯積歲成書書成
請余一言弁首余閱牒而喜
嘉其勤也又適符我素志徐
爲披覽全策計已增舊而倍

未嘗冗贅中亦節有芟除不
疑疏漏綜覈謹嚴詳畧合度
其條目綱領一遵志例而校
訂裁成實參學問如首言建
置沿革數千百年諸說並列

異同弗斷博而能闕宛存史
氏遺風他若俗尚之淳漓政
教之緩急形勢扼塞封疆壺
櫨之計與夫桑麻禾麥魚鹽
竹木篠簜墳壚泉源陂澤之

迹稍關治理罔有或遺而於
前徽先烈尤獨致意故凡遼
壤僻莽之間偶有一人一事
之可以表章取則者即年代
遷殊時移勢改於蒙蒼蔽翳



中必爲洗發本來使之誼然
傳播揄揚摭拾一本乎誠如
此外而敘次灾祥附書及見
品題風月雅有新裁快心盡
致體無不備善亦俱兼以之

鑒示來茲師資不替尚復何
恨視向之影響僅存殘缺舛
謬者爲何如哉斯志之成云
修實創不惟爲前志之功臣
卽謂松溪未嘗有志而有之

自此始也可則亦幸矣松溪
有志矣余更何言

康熙三十九年歲次庚辰春季
分巡延建邵道福建按察使司
僉事加三級時兼理通省驛

傳兵備道事關中白璧琛譔



松溪縣志序

郡縣何以志也志者記也所以紀山川土田之數里俗物產之宜以爲考聽行政之資也志之名不見於古而高賁所載職方所掌要

略同之至班固漢書始指之爲志而後世郡縣之志由茲起焉成實冬余由戶部郎來守建寧受事之日屬郡各呈志書而松邑無籍本然呈傳寫而已其書報於明正

統而心於嘉靖庚申庚申迄今
百餘年閩馬陸山川不稱城郭
以故而天道人事之表遷建置
與草之結見不可比而緒在哉
朝版圖之奏駕淳化而越元明十五

省之郡縣各有志書即新洲臺
涉遠在海外亦輯一編以附閩省
况松邑內地文獻之故獨可闕而
不備哉因往邑令潘子宜訪邑之
老生耆儒博通故事者披採以續

成書潘唯、越今仲冬十一月
一編至則邑諸生黃錫奇之纂
輯邑令潘子奎加考訂正其誤補
其缺以繕成書潘子可謂留心邑
事者矣其他地理有志公署學校祀


典有志賦後食貨有志職官人物以
及藝文各有志所以明地之利弊天
之時立人之事而德寓其教養教
勸之素者無弗詳也無弗悉也
以爲觀風問俗之藉不亦善哉是

宜付之剗剗俾汲之官其方者指
其編則知急當務而施政教生其
地者披至編則知愛土物而思興行
則潘子之為功於松者至繁而余
亦其有崇施焉軍僮補從前之

闕略備一郡之觀美武是為序特
康熙己卯冬十二月

召試博學宏詞中憲大夫福建之寧
府知府前翰林院檢討纂修史官

任丘龐堃撰



志敘

禹貢列而九州始有山川疆域賦稅可紀
外史掌而周官始有名物度数謠俗可登
雖經秦火焚燒鄴侯已收其圖籍自是而
郡國上計漢簿為詳十道分圖唐制是備
迨宋之寰宇元之一統有明因之我

朝仍其舊而釐定之信乎史事之隆與志相
為表裏則郡邑之志其有關於國史也久
矣松為建之下邑而甌脫於羣山寂寥乎
文獻自明嘉靖邑令黃君金載修縣志又
萬曆間劉君一燦緝有成書錄而未刻距
今百有餘年物則常變人則常增兼之世

閱滄桑地連烽燧孤城凋落記載缺如任
斯土之責者其忍愒然而已乎雖然余俗
吏也簿書之事繁催科之政拙黽勉於崇
山峻嶺戴星出入之間何暇計及於操觚
麋而列鉛槧然而際此車書萬里文治覃
敷曹檜輶軒寧無採取不於斯時表彰風

俗搜輯遺編以備一王之法恐後來者欲
尋究乎盛衰得失之故而致慨於杞宋之
無徵誰任其咎己卯春詢之邑中遺獻有
黃生錫竒者為余言會稽董君良檣為松
令時曾彙集志稿生殫歲月之勤繕而藏
之間以己意增入山水草木鳥獸昆虫人

物諸條貫昌黎有云牛溲馬勃敗鼓之口
兼收並蓄待用無遺者黃生之若心也余
既得嘉靖舊志於殘闕失次之中復參之
以劉志而合之于董會稽之零稿加以管
窺而損益之然猶恐見聞未廣乃禮諸鄉
祭酒於堂而博諏焉揖諸博士弟子員於

庭而取証焉猶未也學博仰浦黃君淹雅
士也余并質之而有就正之功裒緝衆長
叅互羣籍盖閱歲而書始成乃瞿然上之
列憲而

監司刺史諸先生又從而寬假之獎借之
使俗吏得繫籍於竹策之末吁亦幸矣顧

歷代修志姓氏

正統間

纂修

知縣張紳

弘治十八年正德二年

纂修

知縣陳槐

教諭冼文淵

以上鋟板久毀刻本無存

松溪縣志

卷首

歷代修志姓氏
一

嘉靖十四年

纂修

知縣黃金

教諭廖芝

參証

訓導鄭宗李徐科

校訂

生員李鏜陳暄董蘇

嘉靖三十八年

續修

知縣來端本

以上鋟板久毀刻本尚存

萬曆三十五年

纂修

知縣劉一燦

湖廣督學僉事魏 濬

刑部清吏司郎中眞憲時

校訂

松溪縣志

卷首

歷代修志姓氏
一一

教諭史延昇

訓導盧士志 廖 鏞

舉人葉 憲

生員陳應薦 葉向時

以上修而未刻稿本現存

康熙九年

纂修

知縣董良櫝

以上修而未刻稿本無存

康熙三十九年

纂修

知縣潘拱辰

教諭黃鑒

協修

縣丞支柱國

督工

典史李旋

參証

松溪縣志

卷首

歷代修志姓氏三

訓導程翰

貢生魏錫嘏 范猗 魏琯 陳履

監生范鶴年 葉葑

生員黃錫竒 范其賢 黃基觀 江有源

校訂

貢生魏基鎬 嚴威 魏雲從 魏基昌

監生陳鴻謨 嚴孔和

生員葉魁林 金堤 陳五玉 葉駿昌

陳霖 陳克明 董弘 江之蓉

葉其淳 黃基永 艾羽起 葉榮稜

范侗 江上臨 葉善感 范錦元

周應遠 陳國謀 眞洪鼎 陳虞文

葉紅 潘之泓 范緯文

松溪縣志

卷首

歷代修志姓氏
四

松溪縣志目錄

知縣事錫山潘拱辰編

卷首

圖八

星紀圖

疆域圖

城郭圖

縣治圖

學宮圖

石壁潭圖

湛盧山圖

松源鎮圖

凡例 舊序

卷之一

松溪縣志

卷首

目錄

一

地理志

沿革

分野

形勝

山川

疆域

城池

坊鄉附

風俗

氣候附

災祥

兵氛

水利

橋渡

關隘

古蹟

寺觀

卷之二

公署志

廨署

倉庫

舖舍

塘汛

藥局

養濟院

生生所

卷之三

學校志

學宮

宦鄉
鄉飲
賢鄉
附射
名

學田

社學

書院

卷之四

祀典志

壇壝

祠廟

丘墓

義阡

卷之五

賦役志

戶口

田賦

役法

卷之六

松溪縣志

卷首

目錄

一一

食貨志

土產

坑冶

卷之七

職官志

題名

宦蹟

卷之八

選舉志

科目

貢生

薦辟

廕生

監生

吏員

卷之九

人物志

理學

名臣

良吏

忠節

武功

孝弟

隱逸

文苑

方伎

恩贈

義民耆老附

列女

仙釋

流寓

卷之十

藝文志

文章

詩詞

卷末

松溪縣志

卷首

目錄

三

補遺

志後

松溪縣志卷首

圖說


粵自龍馬負而河始有圖圖也者圖其似於心目之間者也仰而察有星焉斗也牛女也象乾也卑而法者為坤輿疆域也天地位而五行生城郭之完坎險之義也向明而治廡宇之設取諸離也風行地而五教敷學校之行非巽乎諸如石壁之潭說乎兌湛盧之山成乎艮夫又何疑焉然古之松源肇自東隅萬物出乎震理或然也書於首而知圖之有八也


松溪縣志

卷首

圖

一







松溪縣志

卷首

圖

一一







松溪縣志

卷首

圖

四






松溪縣志

卷首

圖

五



石壁潭圖





松溪縣志


卷首

圖

六









松溪縣志

卷首

圖

八





松溪縣志

卷首

圖

九

題松溪圖

□ 冶山邊有一帶長溪秋水清冽雲擁煙螺月侵沙
 □ 粧點韶光明滅筭來越絕湛盧精舍差堪歇望矻
 □ 遙接萬峯環抱孤城堞 迴想昔日百里松陰□
 頭春深爭逐遊獵到如今蕭條情景殘橋斜日照啼
 □ 蔓草荒園飛紫蝶對此追憶猶是阜谷依然舊時
 形勝戍旗羅列

右調秋霽

知縣事潘拱辰

凡例

一松志輯自有明正統□於成化而編於嘉靖庚申雖經再訂而增祀□寥寥歷今

興朝五十餘載志之因循殘缺幾百三十餘年壬子詔修一統志檄郡縣各葺志書邑人止以抄本應嗣

是綰篆者新舊屢易迄今未成拱辰以簿書之暇

集士商確爰取舊志增芟之凡山穴殘碑故家斷帙悉攬撫焉蓋再閱歲而書始成爲卷凡十其間邑里山川版圖學校土田賦役食貨秩官以及祀

松溪縣志

卷首

凡例

一

典藝文人物諸條目披卷瞭然燦如指掌

一境必有圖悉照昔人計里畫方之法先之以縣治縣境繼之以山川社稷衙署學宮及湛盧壁水諸蹟大之四境小之一邨不出戶庭可以按圖而得

一山川疆域形勝城池舉其大者而坊隅關隘諸條目以類相推彙□□端尤爲明晰

一舊志廨署而下無塘汛藥局養濟三條今附列之以示政治所關連絡可考

一學校爲風化之原□先師廟祀豈宜旁雜故止
列名宦鄉賢卽啓聖□□不待支分按圖自得書
院社學學田亦以□□從庶俾後人無由湮沒
一祀爲國之大事山川社稷古聖昔賢掌於秩宗
遵於守令淫昏野廟槩從屏撤其丘陵墟墓有關
於茲土者必詳其地而考其人百世之下不致蕪
沒

一土田戶口悉本賦役全書而縷晰肌分心畱瘠
邑催科撫字拱辰實有愧焉

松溪縣志

卷首

凡例

二

一食貨所產止載異名及本土之最多者若各省
俱出兒童婦女遐邇共知一槩刪節其坑冶一項
雖係湮廢舊志詳之不可不附

一官有紀職有分本舊志依年次而宦蹟承之無
論事蹟彰彰卽一端可存者亦必錄焉重人才也
一選舉自宋元迄明班班可考故慶曆後依年次
列之其目有四而□□恩例一條庶幾人文之盛
效用多途有所興起

一人物所該者廣山嶽孕靈川原獻瑞造非一詣

趣亦殊途總而列之以備參考至流寓仙釋多萃
遐陬餘韻孤踪令人□□

一藝文爲曩賢著□□取宜詳卽近世文人墨士
游覽登臨紀勝之作罔敢畧焉非特興起後人實
以希踪往昔其中佳惡世自知之

一松志前人雖經創始但舊板旣亡字多訛舛魯
魚亥豕十倍他書今雖嚴加稽覈詳畧頗宜然文
獻寥寥載籍未備表彰擢尚賴後賢至原序志
後諸文未敢芟沒剗之初命刊於首

松溪舊有志正統間雖□□□備且板刻無存書幾
湮沒予嘗索冊閱之□□未慊意者謀爲翻修久矣
適逢大郡伯鐵峯夏公統修建寧府志檄八邑纂所
宜錄者以附予嘯然曰夙志也乃延掌教事蓮川廖
君芝任秉筆而叅証於司訓敬齋鄭君宗李平岡徐
君科予亦商確於其末至於博采羣錄則分厥勞於
諸生李子鏗陳子暄董子蘇焉以某月某日肇事予
舉酒矚曰志者軌民範物信今傳後爲一邑之實錄

松溪縣志

卷首

舊序

一

罔敢弗慎凡我諸君子各宜殫厥心公厥論貞厥守
毋爲利誘毋爲勢怵毋爲偏溺共濟厥美毋貽訾於
人毋指摘於後否有如日廖君等咸肅然曰某等有
背侯盟者亦如日於是秉誠宣力克慎克勤閱月告
成予徧觀之喜曰志可傳矣大郡伯之命庶藉此以
復無愆矣僉謂予宜序諸首予曰經以載道史以載
事志固史之流也今□□經之道廣大悉備如天無
不疇如地無不載然約其要領實不越夫修身治人
二端而已志固主於紀載然旨趨所歸亦烏能外此

二端者哉何以言之民勞而弗整者以災之未預也以食之未給也以分之未□也以居之未奠也今也志分野則天災以察□□貨則民食以周志山川則設險而居以奠志規制則分明而志以定民斯整矣整固治矣治謂非六經之道可乎中人之性必灼之始見也表之始趨也今也志道德志節義民有所見而思勸矣志良吏志宦績官師有所表而思趾美矣趨善趾美謂非修身之道不可也苟曰志乃紀事空言之文無補於民無益於身心是淺見而寡聞者也

松溪縣志

卷首

舊序

二

烏足與言志哉予不佞方將與二三僚屬相爲勉旃期與斯民更新焉庶不失作志之初意諸君爲何如嘉靖丁酉秋知縣新安豸山黃金

天下有不出戶庭而四海之廣千百世之遠可歷歷指陳於目前而無一事一物之或遁者何居史志是也在國則謂之國史在野則謂之野史在昔則謂之古史是雖春秋之作不能不待魯史以爲筆削地也乃若志史屬也自今言之在朝廷則有一統志在諸藩則有省志在郡邑則有府縣志縣隸於府府隸於

省省則合諸郡縣而統之於朝廷上下相維體統嚴備譬諸人之一身摩頂放踵自腹心以逮手足而凡一瓜指一毛髮苟無□之不備斯可以言全人矣故朝廷腹心也藩郡手足也縣邑顧非毛髮瓜指類耶故身闕一瓜髮則不得謂之全人而志或闕其一邑焉則亦爲全書之累也吾郡建寧閩省之首邦也縣隸者八而松溪厠其一焉郡乘之修自弘治迄今四十餘載其間政法之沿革人物之盛衰與凡風俗食貨之類之升降盈縮靡志之輯曷爲之傳我郡伯姑

松溪縣志

卷首

舊序

三

蘇夏公重爲此懼迺因政通人和百廢具興之暇條其事而請之於大巡李公公嘉之而可其請由是下檄屬邑取八邑之志采其事蹟而筆削之以成一郡之全書甚盛舉也第松溪舊志正統間曾一編輯而板刻訛謬事類失序成化間亦嘗再續而草創未備未壽諸梓今承郡檄責成大尹豸山黃君實主其事區處館穀少尹竹□□君廷綬三尹震川何君淘咸贊成之仍會同芝偕同寅敬齋鄭君宗李平岡徐君科總率老成生員李子鏗等四人仲夏端午入局恪

重乃事其事蹟則責之各生旁搜博采期在不遺其編次校正則鄭徐二君實尸厥任至於刪定去取則一決於黃君而芝亦不得辭其責務期秉公持廉庶可信今傳後而志不徒爲也是歲當大比又適朝會期迫上下均欲祇從王事旣入局則夙夜敏厲必欲刻期就編方踰月而稿成顧其爲書辭雖不文而事蹟則皆實錄鑿鑿可信視之飾虛車而弗庸者有間矣是編爲卷一十有四爲帙僅二展而閱之而凡邑之所有罔不縷縷畢具宦於斯者考其故取其有裨

松溪縣志

卷首

舊序

四

治道者以涖政焉則政罔弗臧矣生於斯者迹其成取其可爲軌範者以勵學焉則學罔弗立矣學立政臧俗斯淳矣志豈徒哉况郡乘之修取之以備遺焉則全書之成亦可少補萬一豈不猶手足瓜髮足爲全軀之助而不可或闕者乎雖然建在宋稱小鄒魯今之建猶昔之建也建乘之修其殆魯史之修歟魯史之修定爲天下萬亡法建乘之修將不爲閩南百世風也耶嘉靖丁酉夏儒學教諭昭臺蓮川廖芝